

Predlog za preusmjeravanje sredstava sa potrošačke jedinice Ministarstvo vanjskih poslova na potrošačku jedinicu Ministarstvo evropskih poslova

Donošenjem Uredbe o izmjenama i dopunama Uredbe o organizaciji i načinu rada državne uprave ("Sl. list CG" br. 73/16) formirano je Ministarstvo evropskih poslova nadležno za upravljanje i koordinaciju procesom pridruživanja i pristupanja Crne Gore Evropskoj uniji.

Budžet za 2017. je u skladu sa Zakonom o budžetu i fiskalnoj odgovornosti („Sl. list CG“, br. 20/14), planiran sredinom godine za Ministarstvo vanjskih poslova i evropskih integracija. Kako je u 41. Vladi izvršeno razdvajanje resora Ministarstva evropskih poslova i Ministarstva vanjskih poslova, Zakon o budžetu je predvidio odvojene budžete. Tako je za Ministarstvo evropskih poslova fizički preuzet do tada planirani program za pristupanje i pregovaranje sa EU, čime nije uzeta u obzir činjenica da su se određene aktivnosti sadašnjeg resora nadležnog za evropske poslove, finansirale i sa drugih programa koji su sada u sastavu budžeta Ministarstva vanjskih poslova. Stoga trenutno planirana sredstva u budžetu Ministarstva evropskih poslova nisu dovoljna za realizaciju svih aktivnosti, pa uz saglasnost i prethodno obavljenе konsultacije s Ministarstvom vanjskih poslova, predlaže se Vladi preusmjerenje sredstava između potrošačkih jedinica.

Zakonom o budžetu i fiskalnoj odgovornosti („Sl. list CG“, br. 20/14), članom 45 između ostalog precizirano je da Vlada može između potrošačkih jedinica vršiti preusmjeravanje sredstava utvrđenih zakonom o budžetu države u visini do 10% od ukupno planiranih sredstava potrošačke jedinice. Shodno navedenom Ministarstvo evropskih poslova predlaže sljedeće preusmjeravanje:

- **Sa Ministarstva vanjskih poslova (organizacioni kod 40601)**

Program Diplomatsko konzularna predstavništva (organizacioni kod 2201)

Sa izdatka 4111 Neto zarada iznos od 41.000,00

Sa izdatka 4112 Porez na zarade iznos od 5.000,00

Sa izdatka 4115 Opštinski prirez iznos od 800,00

Sa izdatka 4171 Zakup objekata iznos od 27.000,00

- **Na Ministarstvo evropskih poslova (organizacioni kod 41801)**

Na izdatak 4111 Neto zarada iznos od 41.000,00

Na izdatak 4112 Porez na zarade iznos od 5.000,00

Na izdatak 4115 Opštinski prirez iznos od 800,00

Na Izdatak 4141 Službena putovanja iznos od 27.000,00